

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KTPO 0058502 24
Zenica, 05.01.2026. godine**

**OPĆINSKI SUD U ZENICI
ZENICA**

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

A. I., ..., osuđivan,

Što je:

Dana 01.04.2024. godine, u Zenici, kao tražilac kredita, u cilju pribavljanja kredita za sebe, davaocu kredita dao neistinite podatke, na način da je ..., ..., Filijala ..., priložio dokumentaciju sa neistinitim sadržajem, tako što je podnio zahtjev za odobravanje kredita na svoje ime u iznosu od 30.000,00 KM, te u prilogu navedenog zahtjeva dostavio popunjenu Potvrdu o zaposlenju u kojoj je navedeno da je isti zaposlenik privrednog društva „...“ ... od 01.07.2022. godine, Ugovor o radu na neodređeno vrijeme navodno zaključen između pomenutog privrednog društva i njega od 01.07.2022. godine, obračune plaće za mjesec januar, februar i mart 2024. godine, iako isti nikad nije bio zaposlenik navedenog privrednog društva pa samim tim nije ni ostvarivao mjesečna primanja u vidu plaće i toplog obroka, niti je bio klijent ... banke, te iako je znao i bio svjestan da je naprijed navedena dokumentacija lažnog sadržaja, pa i pored toga, istu priložio uz navedeni zahtjev, što je i htio,

dakle, dao neistinite podatke kako bi osigurao dobijanje kreditnih sredstava za sebe,

čime je počinio krivično djelo „Obmana pri dobijanju kredita ili drugih pogodnosti“ iz člana 268. stav 1. KZ F BiH.